

PEMBERITAHUAN PERTANYAAN DEWAN RAKYAT

PERTANYAAN : **LISAN**

DARIPADA : **YB. DATUK ZAHIDI BIN ZAINUL
ABIDIN [PADANG BESAR]**

TARIKH : **17 MAC 2015**

SOALAN :

YB. Datuk Zahidi Bin Zainul Abidin [Padang Besar] minta **MENTERI PELANCONGAN DAN KEBUDAYAAN** menyatakan jumlah tajuk dan kos pembelian buku-buku karangan penulis tempatan serta jumlah penulis yang telah mendapat manfaat serta berjaya menerbitkan karya-karya bermutu tinggi untuk pembaca dalam serta luar negeri hasil daripada pelaksanaan skim tersebut sejak ianya diperkenalkan.

77

JAWAPAN : YB. DATO' SERI MOHAMED NAZRI ABDUL AZIZ
MENTERI PELANCONGAN DAN KEBUDAYAAN

Tuan Yang di-Pertua,

Dalam usaha meningkatkan industri penerbitan buku negara dan menggalakkan masyarakat berkarya dalam bidang penulisan buku, Kementerian ini menerusi Perpustakaan Negara Malaysia telah menyediakan Dana Pembelian Terus Buku-Buku Karya Penulis Tempatan berjumlah RM2 juta setahun.

Dana yang disediakan sejak 2007 bertujuan untuk membantu penulis tempatan menerbitkan karya mereka di samping menyokong usaha Kerajaan mencapai sasaran penerbitan negara sebanyak 28,000 judul menjelang tahun 2020.

Dalam tempoh tujuh tahun (2007-2014), sebanyak 1,347 judul buku karya tempatan telah diterbitkan dan 1,082 orang penulis telah mendapat manfaat dan insentif ini dengan nilai perolehan sebanyak RM19,360,872.21.

Selain itu, Perpustakaan Negara Malaysia turut bekerjasama dengan penerbit/penulis tempatan dengan mengadakan pelancaran buku sebagai usaha mempromosikan buku terbitan penulis tempatan bagi meningkatkan hasil jualan buku.

Sekian, terima kasih.